



30. oktober 2018

UKA2018/106

Angajoqqaat sulingiffeqartarnerat pillugu malittarisassani atuuttut allanngortinnissaannut siunnersuusioqqullugit Naalakkersuisut peqquneqarnissaanik Inatsisartut aalajangiiffigisassaattut siunnersuut, taamaasilluni sulingiffeqartarneq sapaatip akunnerinik sisamanik sivitsorneqartussanngorlugu. Allannguut atuutilissaaq ulloq 1. juuli 2019 aallarnerfigalugu.

(Aleqa Hammond, Nunatta Qitornai)

Randi Vestergaard Evaldsen domkrateersup naalakkersuisut peqquai angajoqqaanngorlaanngortoqarnermi sulingiffeqartarnermi malittarisassat atuuttut allanngortinneqassasut, sulingiffeqarneq sivittoqqullugu.

Inuiaqatigiit peqqissut, nukittuut aammalu imminut pilersorumassusillit tassaapput ilaqtariittut nukittuumik inisissimallutik perortut aammalu toqqissisimasut. Angajoqqaat meeqqaminnik paarsilluartut, siunissaqartitsisut, toqqissisimasut aammalu meerartaminnik piffissaqarlutik tunngaviliisimasut.

Nunatsinni meeqqat ilaqtariillu peqqissut aqutissiuutissangutsigit naalakkersuinikkut sinaakkutissat pitsaasut peqqinnartullu atugassaritittariaqarpavut.

Inuk qanoq inuuniarnerluni inuuninilu qanoq ingerlatissanerlugu annerpaamik akisussaavoq, taamatut oqareerluta aamma ilisimaaraarput inuk meerannguullunili inuunermut toqqissisimasumik tunngavilerluarneqarsimasoq inuunermi sinnerani qamuuna nukittoqutigalugulu ingerlari-aqqinnissamini tunngavigisussaavaa.

Ilisimatuussutsikkut uppersarnarneqartuarterput naalungiarsunnguit angajoqqaaminnit inuulernermit ukiuni pingasuni pitsaasumik toqqissisimasumillu paarilluarneqarsimasut inersimasunngornermi qanoq inuulerumaarnissamik tunngavilerneqartarput.

Ukiuni amerlasuunngortuni meerarpassuit angerlarsimaffiup avataanut inissitavut amerlalluinnarput, nunaqqaterpassuavut nunatsinnit Danmarkimut noorartut amerliartarput. Tamassuma takutippaa inoqqortussuserput appariartortoq aammalu ilaqtariit sanngiilliartortut. Taassuma ingerlarnga killormut saatilluinnarneqartariaqarpoq.

Nunatta Qitornai

Inatsisartuni



Isumaqarpugut inuiattut ilaqutariit peqqissut aammalu toqqissisimasut tunuliaqutserluinnartari-aqarivut. Ilaqutariit meeqqiorusussusaat tunuliaqutsertariaqarparput aammalu ilaqutariit meerartallit inuunermut pitsaasumut aallarleriarnissaanut sapinngisannguarput tamaat atorlugu tunuliaqutsiisariaqartugut.

Tamatta siusissumik iliuuseqarnissaq siunnerfigaarput aammalu suminginnaasarneq akiorniarlugu sullippugut minnerunngitsumilli ilaqutariit nukittuut pilersikkumavagut.

Ilaqutariit nukittunerusut pilersikkumallugit aana siunnersuut, suminginnaasarneq akiorniarlugu aana siunnersuut minnerunngitsumillu siusinaartumik iliuuseqarnissamut aana siunnersuut. Meerartavut siunissavullu aallartilluartumik tikilluaqquasaasumillu erseqqissumik politikkeqarfigitigu.

Siunnersuutip imarisaatigut assorsuaq tapersersuivugut uggoraluguli siunnersuutigineqarmat aasamut atuutilereertussatut siunnersuuteqarneq, tamanna naalakkersuisut akissuteqaateqarnermini oqariartuutigaat aningaasanut inatsit isumaqatigiinniutigineqarnerani eqqummaariffigineqartari-aqarnerarmagu angumersisinnaanerlu apeqqusernarsinnaalluni. Isumaqarpugut ilaqutariinnermut ataatsimiititaliami nalilersorneqarluassasoq isumaliutissiissusiornermilu piffissaliussaqaq allanngutisatut siunnersuusiortigineqarsinnalluni.

Ataatsimiititaliarmut ingerlateqqipparput qujavugullu siunnersuuteqartumut.